



PONTE FOUN IHA ALDEIA HOHOLAU, AILEU

PNDS

Hamutuk ita
dezenvolve nasaun

Setembru 2014

Ponte foun ajuda agrikultura ba asesu merkadu lokál (Aileu)

Iha programa PNDS Komunitade suku Hoholau deside projetu infraestrutura mak sai hanesan prioridade as liu. Infraestrutura importante ne'ebé komidade harii husi orsamentu PNDS mak halo konstrusaun ponte ki'ik iha Aldeia Saharae.

“Ponte ne'e importante tebes tanba bele fasilita transporte públiku hodi tula produktu lokál husi komidade ba asesu iha merkadu” hato'o husi Domingos da Silva hanesan mós presidente Komisaun Planeamentu Akontabilidade (KPA). Nia hatutan katak : “Ponte ne'e mós importante atu fasilita labarik sira bele la'o ba mai-mai eskola iha tempu udan, tanba iha tempu udan mota ne'e boot la halimar”.

as Hoholau ajuda tebes komidade husi aldeia Saharai ho Aldeia Manubata, tanba aldeia rua ne'e produtivu tebes-tebes iha produktu lokál hanesan kafé, ai-farina, fehuk-midar, talas, kontas, ai-fuan nomós modo tahan.

Antes ponte foun seidauk harii, komidade servisu hamutuk hodi lalin ai kakeu tula iha mota leten para bele la'o ba mai, no ponte ne'e sira hanaran Ponte ai kakeu. Maibé depois ponte ne'e harii no bele fasilita transporte públiku ba-mai, komidade deside hodi troka naran ponte ne'e ba Ponte kafé, tanba bele tula kafé ba iha merkadu.

Alende konstrusaun ponte, komidade deside hodi halo mos sentru komunitáriu multi propózu ida iha suku laran, tanba sentru ida ne'e bele sai hanesan fatin sentrá ida atu halibur komidade sira hodi simu programa husi governu hanesan fatin servisu integradu saudi komunitáriu ka Siska, fatin ba ekstensionistas atu halibur komidade hodi fahe informasaun kona ba servisu agrikultura nomós atividade relevante ne'ebé iha ligasaun ho ema barak ninia partisipasaun.

Subsídiu suku annual husi programa PNDS ba iha suku ida ne'e ho montante US\$45,000.00.

Progresu

Pilotu: Remata ona

Faze 1: Etapa 10 / 11

- Halo reuniaun responsabilizasaun, no transfere fundus infra-estruturá ikus (50%)
- Komplete konstrusaun, no entrega ba ekipa operasaun no manutensaun

Faze 2: Etapa 8 / 9

- Finaliza kontratu ho komidade, no implementa projetu
- Transfere primeiru prestasaun hosi fundus infra-estruturá (50%), no hahú konstrusaun

Faze 3: Etapa 4

- Treinamentu ba ekipa jestaun suku no fasilitadór suku sira




Australian
Aid




Prioridade sira

Faze 1



Faze 2



- Saude
- Bee Mos no Saneamentu
- Edukasaun, Cultura e Desportu
- Agricultura, Siguranca Alimentar no Buka Moris
- Dalan, Ponte no Kontrolo de Cheias
- Solidariedade Sosial
- Sektor Seluk



Feto partisipa iha konstrusaun sentru komunitariu, iha Oecusse

Atu hetan informasaun tan:

www.pnds.gov.tl

info@pnds.gov.tl

Atu fo imi nia hanoin:

keixas@pnds.gov.tl

Komunidade garante bee ba família 60 iha Umaheuk (Manatuto)

Komunidade Umaheuk hela iha fatin ne'ebé remota, ho nune'e ita tenke la'o ho karreta durante oras tolu nia laran husi sidade kapitál Dili, no tuir fali mai atravesa mota-kuak ida ne'ebé luan, no sa'e estrada ne'ebé ho dalan klood liu oras ida, ne'ebé normalmente ema la'o ain ka sa'e kuda, la'ós uza karreta 4WD.

Umaheuk nu'udar Knua ida ne'ebé lokalizadu entre foho maran sira iha distritu Manatutu, ne'ebé kompostu husi maizumenus família 60 ne'ebé hela iha uma tradisionál ho kakuluk-sukun. Sira-nia ai-han prinsipál no fonte rendimentu mak fore-rai, fehuk-midar, ai-farina no tabaku tahan, tanba sira bele fa'an produktu exedente iha merkadu, ne'ebé presiza la'o ain kilómetru haat.

Sempre susar ba komunidade ne'e atu hetan asesu ba bee, liuliu iha tempu bailoro bee-matan tradisionál sira ne'ebé sira uza hodi konsumu sai maran. Xefe Aldeia Labubu, Luis Mendonça, esplika katak membru komunidade tenke la'o ain pelumenus kilómetru ida sa'e foho ba dadalak ki'ik ida.



"Ami kontente tanba agora bee besik loos! Uluk iha tempu maran ami tenke la'o ain dook liu."



PNDS hetan apresiasaun husi komunidade internasional

Programa Nasionál Dezenvolvimentu Suku ne'ebé nia konseitu Dezenvolvimentu hahú husi nivel base iha oportunidade enkontru entre nasaun atus ida resin ne'ebé konsiderado husi UNO hanesan nasaun ne'ebé menus Dezenvolvimentu, iha Korea do Sul (24 Juni 2014), bainhira Ministru Administrasaun Estatál Jorge Teme no Coo-Chefia/DGDL Miguel Pereira de Carvalho apresenta kona-ba implementasaun Programa Nasionál Dezenvolvimentu Suco (PNDS) Timor Leste hetan apresiasaun.

Ministru Administrasaun Estatál, Jorge Teme informa Enkontru ne'ebé ko'alia kona-ba oinsá hasa'e kapasidade governasaun ninia iha area administrasaun, funsaun publika, liu-liu fokus ba nasaun sira ne'ebé menus desenvolvido, ho nune'e Nasaun Unidu atraves husi seksaun ne'ebé responsabiliza kona-ba setór públiku no administrasaun akomoda no konvida país kuaze atus ida resin hodi bele diskute dezafiu no oinsá dejeiza susesu Dezenvolvimentu Milenium (MDG), tuir Ministru Administrasaun Estatál Jorge Teme konseitu Dezenvolvimentu Timor Leste nian mak programa PNDS ne'ebé hahú implementa iha inisiu 2013. PNDS nudar programa ida ne'ebé Timor Leste implementa atu bele responde objetivu programa Millennium Development Goals (MDG).

